

Headline	Bank Islam, Tabung Haji, Visa lancar kad debit-i		
MediaTitle	Utusan Sarawak		
Date	13 Feb 2020	Color	Full Color
Section	EKONOMI	Circulation	37,981
Page No	34	Readership	113,943
Language	Malay	ArticleSize	474 cm <sup>2</sup>
Journalist	N/A	AdValue	RM 4,417
Frequency	Daily (EM)	PR Value	RM 13,251



# Bank Islam, Tabung Haji, Visa lancar kad debit-i

**PUTRAJAYA:** Bank Islam Malaysia Berhad (Bank Islam) semalam melancarkan kad debit-i Bank Islam Visa Tabung Haji hasil kerjasama dengan Lembaga Tabung Haji (TH) dan Visa yang menawarkan pelbagai keistimewaan dan ganjaran eksklusif kepada para pemegangnya.

Ketua Pegawai Eksekutif Bank Islam Mohd Muazzam Mohamed berkata, sebagai perintis perkhidmatan kewangan Islam di Malaysia, misi bank itu adalah menawarkan penyelesaian kewangan yang relevan dan menepati keperluan pihak berkepentingannya.

"Kami akan terus berusaha menawarkan rangkaian produk dan perkhidmatan yang seiring dengan perkembangan teknologi terkini serta menjadi pilihan pelanggan, tanpa mengabaikan tanggung jawab sosial dan kemapanan alam sekitar."

"Menerusi kad ini, para pemegangnya berpeluang me-

lakukan transaksi pembayaran bagi pembelian lebih 60 juta lokasi peniaga serta akses tunai kepada lebih 2.5 juta terminal mesin pengekuaran wang automatik (ATM) di serata dunia.

"Bagi pendeposit TH, mereka boleh mendapat akses kepada simpanan masing-masing dengan menghubungkannya kepada akaun mereka dan melakukan pemindahan dari akaun simpanan dan semasa," katanya ketika berucap pada majlis pelancaran Kad Debit-i Bank Islam Visa Tabung Haji di sini, semalam.

Pelancaran itu disempur-

nakan oleh Menteri di Jabatan Perdana Menteri, Datuk Seri Dr Mujahid Yusof.

Turut hadir, Pengarah Urusan Kumpulan dan Ketua Pegawai Eksekutif TH, Datuk Nik Mohd Hasyudeen Yusoff. Kad debit-i itu merupakan kad eksklusif yang menawarkan pelbagai ganjaran tambahan termasuk pengecualian caj pengeluaran tunai di Arab Saudi ketika musim haji, tambang khas bagi perkhidmatan KLIA Ekspres serta diskaun eksklusif paket TH Travel & Services.

Malah, berbeza daripada lainnya, kad debit-i itu adalah pertama bagi bank itu

EKSEKUTIF Deposit Bank Islam Shahirah Abdullah menunjukkan Kad Debit-i Bank Islam Visa Tabung Haji yang baharu dilancarkan semalam.

yang bercirikan biodegradasi iaitu diperbuat daripada bahan polietilena tereftalat (PET) berkualiti tinggi dan boleh dikitar semula.

Bank Islam yang memperkenalkan kad debit-i Visa pada 2011, telah mengeluarkan lebih tiga juta kad debit setakat Januari tahun ini.

Ia turut menyasarkan untuk mencatatkan sejumlah 100,000 pemegang kad debit-i Bank Islam Visa Tabung Haji dalam tempoh setahun berdasarkan potensi pasaran semasa.

Sementara itu, Nik Mohd Hasyudeen Yusoff berkata TH terbukti melaksanakan satu lagi langkah ke hadapan menerusi pengenalan kad debit Islam (kad debit-i TH) yang

dapat mengurangkan kebergantungan pendeposit terhadap perkhidmatan kaunter TH.

"Menerusi kaedah ini, para pendeposit TH dapat membuat transaksi lebih mudah...terima kasih kepada pasukan Bank Islam terhadap komitmen yang ditunjukkan menerusi inisiatif ini."

"TH akan sentiasa berusaha memperbaiki dan mengelakkan perkhidmatan kami bagi kepentingan pendeposit dan jemaah haji supaya institusi ini terus dihormati kerana pencapaian serta aspek pengurusannya yang baik."

"Malah, ini juga akan membolehkan kelangsungan perkhidmatan kami untuk gen-

erasi akan datang," katanya.

Sementara itu, ketika berucap, Mujahid mengucapkan tahniah kepada Bank Islam dan TH di atas inisiatif memperkenalkan kad debit-i TH yang memberi manfaat kepada pendeposit dan jemaah haji.

"Pengenalan kad debit ini juga akan meningkatkan tahap perkhidmatan Tabung Haji agar berdaya saing dan setaraf dengan institusi kewangan Islam lain."

"Tabung Haji adalah organisasi milik kerajaan yang sentiasa peka dengan inisiatif kerajaan yang menyokong ke arah perkhidmatan yang efisien, telus dan mudah," katanya. – Bernama

